

明季史料集珍

萬曆野獲編(二)

沈德符撰

健文圖書出版社有限公司印行

明·沈德符撰

萬曆野獲編
(二)

偉文圖書出版社有限公司印行

行政院新聞局核准登記證 局版臺業字第零伍叁號

萬曆野獲編(三)

出版者：偉文圖書出版社有限公司

撰者：沈 德 符

發行所：偉文圖書出版社有限公司

信箱：臺北第六八—九八一號

電話：五七一四七八五
五八一六九九三

郵撥：第一〇四〇四三號

印刷所：華信彩色印刷企業有限公司

臺北市東園街一〇〇巷一六八號

中華民國六十五年九月

(本書係中央研究院歷史語言研究所所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

萬曆野獲編卷之七目次

內閣

丞相

文華殿大學士

王抑菴入閣

布衣拜大學士

六修國史

輔臣殿閣銜

宰相老科第

景泰從龍二俞

祿學士

閣部列銜

閣臣終喪

徐武功頸婚

李南陽相業

詞林大拜

親臣密賚

謝文正驟用

龍子

詞臣論劾首揆

閣部形跡

首相晚途

三相同氣

楊新都志守制

閣部離合

首輔再居次

桂見山霍渭崖

輔臣掌吏部

張方二相

星相

內閣密揭

四宰相報恩

吉士不讀書

宰相別領

宰相出山

癸餽遺

兩張文忠

萬曆野獲編卷之七

秀水沈德潛

桐鄉錢枋爾載輯

內閣一

丞相

秦相以丞相為第一、主國柄漢因之唐以尚書令為真相而左右僕射佐之皆宰相職也武后改僕射為文昌左右相中宗還正復舊名至玄宗又改兩僕射為左右丞相可謂名位俱正矣然是時以同中書門下平章事為宰相以相李暹之張九齡去

相^依拜左右丞相罷政事歸本班則奈甚矣趙宋以僕射為真相似合唐初之制至徽宗改為太宰少宰最為不經南渡始復僕射之名為真相如初制造孝宗復改為左右丞相以虞允文梁克家双拜古來丞相之名至是始正本朝以大臣入閣預批務平章事之責而銜稱殿閣大學士則宋昭文右相集賢左右之遺也

文華殿大學士

內府諸殿閣俱有大學士今為輔臣兼職獨文華殿無之豈以主上日御講讀之所故不設此官耶唯永樂二十二年徐州人權謹者以賢良保舉科第仕為山西壽陽縣丞坐事滴戍再

荐為樂安知縣轉光祿署丞遂入為文華殿大學士侍皇太子
監國宣德元年以病乞歸優建通政司右叅議致仕蓋是時殿
閣大學士止脩侍從顧問未預執政也此後是官不復除直至
萬曆三十五年十月朱山陰以首揆武英殿太子太保滿一品
考晉少保兼太子太保文華殿大學士則自永樂甲辰至今丁
未已一百八十餘年矣明興除是官者僅見此二人朱

次年即
終是官

王抑菴入閣

王文端抑菴直以永樂二年甲申庚常為文皇所眷不數年召
入內閣書札密文字授修撰駕幸北京仁宗以太子監國留黃
淮楊士奇與直三人輔導固已儼然宰相職矣上再幸北京直

在扈從進侍讀仁宗朝為侍讀學士又以庶子兼讀學宣宗即位進少詹事兼讀學英宗即位為先帝賓錄總裁止統三年進禮部左侍郎兼學士六年以禮部缺人始命出閣部同尚書胡濙治事自此後雖拜吏部尚書加保傳三孤及奪師傳以歸不復兼學士至天順六年卒于家雖贈太保謚文端亦不及翰林一字舉初疑抑菴不過以詞臣為卿貳耳及觀王墓誌與本傳中云王自言西楊不欲我同事內閣出我理部當時意不能無憾若使不出部則丁丑正月當坐首禍必有遼陽之行蓋英宗復閣臣俱誅竄故直宿以革少傳官師為幸也據此則抑菴先為內閣輔解凡歷五朝前後幾五十年為楊東里所擠始出理

部事其初固真相也而鄭端簡雷豐城王弇州諸公紀述宰輔更不及此公何耶文端志傳出李文達諸公俱與文端同事最久其言可信也

布衣拜大學士

余初謂文華殿無大學士唯洪熙有權謹一人及萬曆丁未有朱金庭賡耳不知尚有數人也洪武間礼卿主事劉庸荐鮑恂等凡四人恂浙江嘉興人余詮湖廣安吉人張長年直隸高郵人張紳山東登州人俱年七十餘明經通治體遣使召之恂詮長年先至上見大喜賜坐顧問終日同拜為文華殿大學士詮等固辭不允再辭始許之賜宴放還唯張紳後至以為鄆縣教

諭同時又有全思誠者字希賢松江上海人洪武十六年以耆儒徵授文華殿大學士賜勅致仕蓋國初之優礼隱佚至以秘殿高秩處之予固陋寡聞近始得睹於廖中允集中再書之以志余之不學

六修國史

楊文貞士奇於初建文朝為太宗實錄纂修官永樂間再修三脩太祖寔錄並為總裁矣至宣德間修太祖仁宗寔錄正統間脩宣宗寔錄又為皆總裁以旁加進師保凡握史權者六次後來無與此者又主鄉試會試各二次真布衣之極寵也。嘉靖中張文毅治再主應天鄉試又再主會試與文貞略同特未總

裁國史

輔臣殿閣銜

宣德以後輔臣初次入直最重者即入武英殿次之為文淵閣其稍輕者則東閣俱稱大學士而祖宗朝則不盡然史臣卑官如脩撰以下俱可入其後則以學士入直者居多即如近代正德元年王文恪鑒以使侍學士入直嘉靖六年程文懿鑒亦以使侍學士入直俱踰年始得尚書文淵閣此後則無不以殿閣大學士為真相矣其入而復出者先朝如楊溥江淵等不具論只如天順六年徐有真以武功伯華蓋殿出為廣東叅政尋謫金齒衛許彬以礼侍學士出為陝西叅政不復召李賢以吏書

學士出為福建泰政尋召還岳正以翰林修撰出為廣東欽州同知尋滿甘肅此英宗沒辟後事也而憲武二朝無之其後則嘉靖四年楊一清以原任少傳吏書武英殿落殿衛出為兵書總制陝西三邊逾年召還復入閣十八年翟奎以原任禮書武英殿落殿衛出為兵書閱視九邊次年召還復入閣二十七年夏言以少師華蓋殿革孤卿落殿衛以吏書致仕未幾逮獄論斬前乎此後乎此但有崇建與斥削二端更無外補左官之事矣。自來閣臣初入俱稱直內閣自徐有貞驟得權遂以兵部尚書華蓋殿大賚士武功伯掌文淵閣入衛人詫為異今輔臣俱為殿閣大學士無復直內閣之稱矣。其入閣而終不得大

學士者天順後蕭鎡以戶書終許彬以南京禮侍終薛瑄以禮侍學士終岳正以邵武知府終呂原以學士終劉定之以禮侍學士終彭華以禮書終尹直以兵書學士終然皆正德以前事也其為大學士而不得移閣務者國初不具論宣德中則張瑛以禮書兼華蓋殿陳山以戶書兼謹身殿山改教小內侍瑛出領南部命再入閣已先卒而嘉靖六年則席書以少保禮書引疾得建蕪武英殿致仕居京師仍給祿未幾卒

宰相老科第

宣德正統間三楊同在内閣時文貞不由科目起當國凡二十年為最久文敏文定俱起洪武庚辰進士先後拜相文敏相四

朝至正統庚申而歿于休其科第已四十一年文定相三朝至
丙寅亦歿於休則去登第已四十七年二公存沒恩礼俱無缺
可稱完福此後內閣輔臣其名行完玷礼遇盛衰不齊然自罷
相趙釋褐之年俱有未及四十年者直至正德元年劉文靖健
以首揆策罷則天順庚辰進士至是已四十七年嘉靖二年楊
文忠走和亦以首揆得請成化戊戌進士至是已四十六年雖
皆以主上新立君臣間齟齬以去而劉名重四裔楊功高一時
後皆旋遭譴奪其勝九遷九命多矣唯楊丹徒一清舉成化壬
辰進士辭相位已十年至嘉靖四年復起為首揆時登第已四
十四年謝餘姚遷由成化乙未狀元罷相已二十二年至嘉靖

六年復起為次揆時登第已四十三年皆為新貴張璠所擠謝
僅半年默：不得志毫無所建明而歸揚雖得四年然明攻瑕
刺無虛日卒以蠶蠶之謗受譴罷去未久俱下世費鉛山宏由
成化丁未狀元罷相已九年至嘉靖十四年復起為首揆時登
第已四十九年抵任甫兩月暴卒於官第則此三公者末路再
出喪其生平多矣至世宗末年嚴分宜以四十四年詞林致位
上相窮極富貴身籍子誅為天下笑固不足言若徐華亭亦以
嘉靖二年及第至受世宗末命再相穆宗距其謝事之時亦已
四十六年雖云善去比及家而新鄭修怨幾至覆宗亦幸而免
耳鍾繅並盡古人所戒況先朝淳厚之風滴斷已盡諸公在事

恩。怨。未。免。失。手。晚。途。悔。吝。頗。多。自。取。夜。行。者。可。以。悟。矣。

景泰從龍二俞

景泰自邸主監國即位推恩藩邸故臣以審理正俞綱為太僕寺少卿則嘉興府之嘉興縣人也以伴讀俞山為鴻臚寺丞則嘉興府之秀水縣人也二邑俱吾郡附郭同時同姓綱以生員習字選山以舉人副榜起綱次年即以兵部左侍郎入內閣山次年亦至吏部左侍郎為經筵講官尋因易儲綱加太子少保山加太子少傅俱為官銜二品而不得正拜六卿然得兼夫二傅後山密請沒儲不聽遂引疾以優礼致仕天順元年綱子天順復辟後再起南京礼部左侍郎成化二年致仕十四年卒賜